

նեւ, որովհետեւ «հարկ լուծանէ զօրէնս»։ Իսկ պատերազմը, ինչպէս յայտնի է, կարող է արգարացնել ամէն տեսակի «հարկադրանքներ»։

Վերջապէս, կար մի երրորդ պատճառ էլ մասնաւորապէս Թիֆլիսի հայութիւնը հալածանքների ենթարկելու համար։ Շուտով պիտի կատարուէին Թիֆլիսի քաղաքային Սորհրդարանի (Դումա) ընտրութիւնները։ Եթէ իրեն իրենց բնական ընթացքին մնային՝ վրացիք ոչ միայն չպիտի կարողանային մեծամասնութիւն կազմել այդ Սորհրդարանում, այլ եւ պիտի կորցնէին այն աթոռներից շատերը, որ նրանք դրաւել էին 1917-ի դարնան ընտրութիւններին։ Այն ժամանակ Թիֆլիսում հարիւր հազարից աւելի ուսւ գինուորներ եւ քաղաքացիներ կային, որոնք գերազասօրէն ձայն տուին վրաց Սոցիալ Գեմոկրատիային՝ համարելով նրան համառուսաստանեան կուսակցութիւն։ Նոյն նկատումներով, Թիֆլիսում ապրող այլ օտարազգիներից շատերն էլ 1917-ի ընտրութիւններին նեցուկ հանդիսացան վրաց սոցիալ դեմոկրատիային։ Այժմ այս օտարազգիների մեծ մասը հեռացել էր Վրաստանից, իսկ մնացածները բացայայտ անբարեացակամութեամբ էին վերաբերում ղէպի ամէն գոյնի վրացիները՝ համարելով նրանց բոլորին էլ շոքիիստ եւ օտարատեսց։ Զրկուելով այս ձայներից՝ վրացիք, որ, ինչպէս գիտենք, Թիֆլիսի ընդհանուր ազգաբնակչութեան մի քառորդ մասն էլ չէին կազմում, պիտի չնչին փոքրամասնութիւն ունենային քաղաքային Սորհրդարանում, որ ասել է, թէ վերջինս նորից հայերի ձեռքն էր անցնելու, քանի որ նրանք ազգաբնակչութեան ամենամեծ հատուածն էին ներկայացրնում։

Այս «անպատեհութեան» ղէմ Վրաստանի հպատակութեան օրէնքը թոյլ ղէնք էր. որովհետեւ այդ օրէնքի սահմանում էլ հայերը թրւով գերակշռում էին վրացիներին։ Միակ էլքն էր՝ հայերին արհեստականօրէն հեռու պահել ընտրական տուփերից, որ կարող էր տեղի ունենայ նրանց ահաբեկելու ճանապարհով։ Եւ որովհետեւ պատերազմը այսօրինակ ահաբեկման համար շատ «պատեհ» առիթ էր հանդիսանում՝ վրաց կառավարութիւնը չուզեց փախցնել այդ առիթը իր ձեռքից։ Գլխաւորա-

պէս սրանով պէտք է բացատրել, այն զանգուածային հալածանքները, որոնք առանձին խտութեամբ տեղի ունեցան Թիֆլիսում, զինադադարի կնքումից յետոյ։

Վրաց կառավարութիւնը չսխալուեց իր հաշիւների մէջ։ 1919-ի ընտրութիւններին Թիֆլիսից հայերը, ահաբեկուած կառավարական հալածանքներից, բնաւ չմտեցան քուէատուփերին։ Թիֆլիսաբնակ ուսններն ու միւս օտարազգիներն էլ, զղուած օրուայ իշխանութեան ազգայնական քաղաքականութիւնից, լռելեայն բոյկոտի ենթարկեցին ընտրութիւնները։ Ասպարէզը մնաց վրացիներին, որոնք «յաղթականօրէն» ներս խուժեցին քաղաքային Սորհրդարանը եւ ամբողջովին իրենց ձեռքն առան համայնական բոլոր գործերը։ Այսպիսով, բոլշեւիկեան ընտրական մեքենայութիւններն այսպանող վրաց ղեկավարները, իսկական բոլշեւիկեան մեթոտներով վրացական ազգաբնակչութեան մեծամասնութիւնը հաստատեցին մի քաղաքում, ուր վրացիք քանակով երրորդ տեղն էին բռնում, իսկ տնտեսական արժէքով եւ գործունակութեամբ երրորդական ղերն իսկ արգարացնել չէին կարող...

Սրանք են ահա, հայ-վրացական պատերազմի առթիւ Վրաստանում տեղի ունեցած հակահայկական հալածանքների էական պատճառները։

Ասում ենք էական, որովհետեւ կան եւ երկրորդական, իշխանութեան քաղաքական նկատումների հետ կապ չունեցող պատճառներ, որոնց վրայ աւելորդ ենք համարում կանգ առնել. որովհետեւ նրանք պայմանաւորում են երեւոյթների արտաքին ձեւը, բայց ոչ թէ էութիւնը։

Այսպէս օրինակ, երբ մենք մեղադրում ենք Ժորդանիայի կառավարութիւնը հակահայկական հալածանքների մէջ՝ բնաւ չենք ուզում ասել, թէ այդ հալածանքների այս կամ այն արտայայտութիւնը անպատճառ համապատասխանում էր նրա մտադրութիւններին կամ նկատումներին։ Որքան էլ մենք բացասական կարծիք ունենանք Ժորդանիայի կառավարութեան որոշ անդամների մասին, այնուամենայնիւ չենք կարող հաւատալ, թէ նա, in corpore հրահանգում կամ քաջալերում էր դրամաշոր-